



## En memoria da Sep Antoni Caderas-Hendry

Sep Antoni Caderas ei spartius ils 13 da zercladur 2008 ella vegliadetgna dad 84 onns en la Casa sogn Vigeli a Sedrun. La grevadad dil flad e dil lom han spussau el in pli liung temps. Atgnamein senza dar is pli bia, biaronz seconfidaus fermamein ella cardientscha.

Sia veta ei sesplegada eifer la rama dalla bravidad. El, il Sep Antoni sco fargliun da tschun ulteriurs affons da Zeno Fidel Caderas e da dunna Catrina a Ladir.

Suenter la scola dil vitg eis el ius giu Glion en la scola secundara che ha dau agli in bien pugn da partenza. Il Toni ha meinsvart risdau dil liug e da ses camerats. Siu emprendissadi da meister ha il Sep Antoni Caderas fatg ella scrinaria Dermont a Rueun. Sto esser ch'il fried dil lenn cun siu largau ei daus afuns enten el. Ton ch'igl uaul ei daventaus per el in revier ch'il Sep Antoni ha teniu ault. Cun siu spért aviert ha el vuliu prender d'enconuscher otras lavurs. Igl onn 1949 entuepinus il Sep Antoni Caderas en Tujetsch sco portier dil hotel dall'Alpsu. Per turnar silsuenter scochemai anavos tiel mistregn. E cuort sissu marida il Toni la Josefina Hendry da Cavorgia e va lu puspei a star a Ladir.

Quater affons sauns e taffers ein in cletg e sia dunna Josefina ha fatg bien. Il quitaui pils ses ei vegnius gronds; ils geniturs ein sedustai e la stupenta cuschina da sia casarina ha contribuui in bien ton. Suenter entgins onns a Ladir tuorna la famiglia en Tujetsch e baghegia vonzeivi ina casa a Sedrun, enta Mira. La preit-

casa signada cun Ladir ei ina indicaziun. Il Sep Antoni Caderas ha mantenui trasatras la dicziun dil plaid dalla Foppa. Cun ina colur clara che ha sussentau.

Sco luvrader enconuschen e serius ha el survegniu la plaza sco schef d'in gruppament digl implont electric Reinanteriur. Era esser cuntuinadamein sut pussonza stunclenta. Aschidadir che Sep Antoni Caderas metta si ensemblamein cun siu quinau Baseli Monn ina pintga interpresa da baghegiar e cumpra cul temps, igl onn 1971, 1a resgia dasperas l'aua da Milar enta Ruera. E1 cun siu sentiment exprimiu per in bi lenn, per buoras da quaders ed aissas.

Ed enten far vacanzas ei la famiglia buca rutta ora ed ida sur cuolms e vals, plitost ida stediamein el Tessin ch'ei silsuenter daventaus per la famiglia entira in ver eldorado. Tuttavia pils onns dalla pensiun. Epi - als Tessines ha il Toni Caderas saviu vender bein enqual carga lenna. Cun sia moda e maniera da secapir silsuc. Nuotatonmeins eis el ius cun sia dunna Josefina els uauls da Cavorgia che fan amogna cacs tgaper ed izuns e garnedels tut put. Secapescha aunc suren l'aria schubra dils pegns.

Mess il cass ch'ins dumbrass ensemen tut quellas particlas personalas dil Sep Antoni Caderas. El ei staus in brav um, reclis ed undreivels e da bien plaid e fatg. Discurreivels e divertents e che ha tedlau il cussegl dils auters. Buca adina senza spanegiar ils eglis dils meinis cuntraris ch'el ha mess sin stadera. Senza secuntermetter da datschiert, plitost ponderadamein.

Cura ch'ei ha tratg fetg atras las vals en Tujetsch - ha il Toni priu sia Josefina ed ei ius dalla val oragiu, ella Foppa ed entochen entadem la Lumnezia. Atgnamein sco da tschercar glieud e saver ver endamen. Quei basegns dad endriescher dils auters, co lur veta sepassi.

Pressapauc in miez onn ei il Toni Caderas staus en Casa sogn Vigeli a Sedrun. Leu nua ch'ins ha fatg bien cun el; il Toni ei e staus in cussadent engrazieivel.

E nus schein da tut cor: Il Segner sturtegia si'olma.

Vic Hendry